



JAVNA USTANOVA
DOM ZDRAVLJA
ZAVIDOVIĆI

Gazi Husrev-begova 25

tel. (032) 878-877

fax (032) 879-088

e-mail: polikzav@bih.net.ba

web : www.dzzavidovici.ba

Identifikacioni broj: 4218122690008

PDV broj: 218122690008

Žiro računi : ASA Banka d.d. Sarajevo : 134030000007482

Raiffeisen bank d.d. BiH Sarajevo – filijala Zenica : 1610550009120069

UPRAVNI ODBOR

Broj:01-2.16-1634/26

Datum:28.04.2026.. godine

Upravni odbor JU «Dom zdravlja» Zavidovići na osnovu člana 38. Statuta JU «Dom zdravlja» Zavidovići i člana 70. Zakona o javnim nabavkama Bosne i Hercegovine («Službeni glasnik Bosne i Hercegovine» br. 39/14, 59/22 i 50/24), na svojoj 34. sjednici održanoj dana 28.04.2026. godine, donosi

ODLUKU

o izboru najpovoljnijeg ponuđača za nabavku
potrošnog/pomoćnog sanitetskog materijala – LOT 1 – IGLE

Član 1.

Okvirni sporazum za nabavku potrošnog/pomoćnog sanitetskog materijala – LOT 1 – IGLE za JU «Dom zdravlja» Zavidovići za 12 mjeseci, dodjeljuje se ponuđaču **GLOBEX d.o.o. Zenica**.

Član 2.

Ponuda ponuđača GLOBEX d.o.o. Zenica, u provedenom otvorenom postupku javne nabave, bila je prihvatljiva ponuda i, nakon e-aukcije, imala je najnižu cijenu, te će se ovom ponuđaču ponuditi Okvirni sporazum za nabavku potrošnog/pomoćnog sanitetskog materijala – LOT 1 – IGLE za JU „Dom zdravlja“ Zavidovići, u ukupnom iznosu od **5.450,00 KM bez PDV-a**, što sa PDV-om iznosi 6.376,50 KM.

Član 3.

Drugi po rangu, nakon provedene e-aukcije, bio je ponuđač PRO-TEN MEDICAL d.o.o. Gračanica sa ukupnom cijenom ponude u iznosu od 5.499,00 KM bez PDV-a.

Član 4.

Ponuda ponuđača Herbavital d.o.o. Zenica odbačena je shodno članu 68. stav 1. i stav 4. tačka i) Zakona o javnim nabavkama jer ponuđač nije dostavio tražene dokaze i ponuda nije potpuna i ne ispunjava zahtjeve iz tenderske dokumentacije.

Član 5.

Izabrani ponuđač će morati dostaviti original ili ovjerenu fotokopiju kvalifikacione dokumentacije u roku od 8 dana, od dana zaprimanja ove odluke, a kako je to navedeno u tenderskoj dokumentaciji i to:

a) uvjerenje Suda BiH i suda prema sjedištu pravnog lica, kojim dokazuje da u krivičnom postupku nije izrečena pravosnažna presuda kojom je osuđen za krivično djelo učešća u kriminalnoj organizaciji, za korupciju, prevaru ili pranje novca,

b) uvjerenje nadležnog suda ili organa uprave kod kojeg je registrovan ponuđač kojim se potvrđuje da nije pod stečajem niti je predmet stečajnog postupka, da nije predmet postupka likvidacije, odnosno da nije u postupku obustavljanja poslovne djelatnosti,

c) uvjerenja nadležnih institucija kojim se potvrđuje da je ponuđač izmirio dospjele obaveze za doprinose za penzijsko i invalidsko osiguranje i zdravstveno osiguranje.

d) uvjerenja nadležnih institucija da je ponuđač izmirio dospjele obaveze u vezi sa plaćanjem direktnih i indirektnih poreza.

Član 6.

Izabrani ponuđač **ne mora dostaviti** original ili ovjerene fotokopije sljedeće kvalifikacione dokumentacije:

a) potvrdu (rješenje) o upisu u registar proizvođača ili veletrgovaca medicinskih sredstava.

Član 7.

Izabrani ponuđač ne mora dostaviti original ili ovjerene fotokopije dokumentacije iz člana 6. ove odluke iz razloga jer je u ponudi dostavio ovjerenu fotokopiju sljedećeg dokumenta:

a) Rješenje o upisu ponuđača u registar veleprometnika medicinskih sredstava izdato od Agencije za lijekove i medicinska sredstva BiH, broj: 10-07.12-6-7570-2/23 od 27.10.2023. godine – ovjerena fotokopija od 17.03.2026. godine.

Dokument naveden u stavu 1. ovog člana evidentiran je u Zapisniku o pregledu i ocjeni ponuda, broj: 01-2.13-1431/26, a u Tenderskoj dokumentaciji, broj: 01-2.12-610/26 od 19.02.2026. godine i broj: 01-2.12-707/26 od 26.02.2026. godine, u tački III-1. OSTALI USLOVI ZA KVALIFIKACIJU, podtačka „2. Sposobnost obavljanja profesionalne djelatnosti – član 46. Zakona“, je popisano:

„Izabrani ponuđač će morati dostaviti potvrdu (rješenje) o upisu u registar proizvođača ili veletrgovaca medicinskih sredstava (dokaz pod b)), u originalu ili ovjerenoj fotokopiji, u roku od 8 dana, od dana zaprimanja obavještenja o rezultatima ovog postupka javne nabavke.

Ukoliko ponuđač u svojoj ponudi dostavi potvrdu (rješenje) o upisu u registar proizvođača ili veletrgovaca medicinskih sredstava, isti se oslobađa dostavljanja izjave pod tačkom b) u svojoj u ponudi (Izjava ponuđača, potpisana i ovjerena od ovlaštenog lica

ponuđača, da je ponuđač upisan u registar proizvođača ili veletrgovaca medicinskih sredstava kod Agencije za lijekove i medicinska sredstva BiH).“

Član 8.

Ova odluka stupa na snagu danom donošenja.

Obrazloženje

Obavještenjem o nabavci br. 638-1-1-104-3-39/26 koje je objavljeno na portalu javnih nabavki dana 19.02.2026. godine i u „Službenom glasniku BiH“, broj: 16 od 27.02.2026. godine, sa ispravkom obavještenja br. 638-1-1-104-8-43/26 koja je objavljena na portalu javnih nabavki dana 26.02.2026. godine i u „Službenom glasniku BiH“, broj: 18 od 06.03.2026. godine, pokrenut je postupak javne nabavke potroškog/pomoćnog sanitetskog materijala za JU „Dom zdravlja“ Zavidovići za 12 mjeseci, putem otvorenog postupka javne nabavke.

Tendersku dokumentaciju za predmetnu nabavku, sa portala javnih nabavki preuzelo je 14 ponuđača i to: TENDERI D.O.O., BBS EUROPE, EKAPIJA D.O.O., DIMED D.O.O. SARAJEVO, ENA D.O.O. SARAJEVO, R&S D.O.O. SARAJEVO, VEGA PL D.O.O., PRO-TEN MEDICAL" D.O.O. GRAČANICA, DERBY TRADE D.O.O., HERBAVITAL D.O.O., KRAJINAGROUP D.O.O. BANJA LUKA, GLOBEX D.O.O. ZENICA, SEMIKEM D.O.O. SARAJEVO i WELLMEDIC D.O.O.

Izmjenu i dopunu tenderske dokumentaciju za predmetnu nabavku, sa portala javnih nabavki preuzelo je 12 ponuđača i to: GLOBEX D.O.O. ZENICA, BITEGA DOO BANJA LUKA, R&S D.O.O. SARAJEVO, EKAPIJA D.O.O., BBS EUROPE, ENA D.O.O. SARAJEVO, HERBAVITAL D.O.O., DIMED D.O.O. SARAJEVO, PROIZVODNJA I TRGOVINA „PHARMAMED“ D.O.O. TRAVNIK, PRO-TEN MEDICAL" D.O.O. GRAČANICA, KRAJINAGROUP D.O.O. BANJA LUKA i BAUERFEIND D.O.O.

Na adresu JU "Dom zdravlja" Zavidovići, za nabavku potrošnog/pomoćnog sanitetskog materijala – LOT 1 – IGLE dostavljene su tri ponude i to: HERBAVITAL D.O.O. ZENICA, PRO-TEN MEDICAL D.O.O. GRAČANICA i GLOBEX D.O.O. ZENICA.

Procijenjena vrijednost javne nabavke za ovaj lot iznosi 10.040,00 KM.

Nakon pregleda dostavljene dokumentacije Komisija za javne nabavke utvrdila je da dvije ponude odgovaraju uslovima iz tenderske dokumentacije, odnosno da su prihvatljive ponude, a jedna ponuda je odbačena jer nije ponuda potpuna i ne ispunjava zahtjeve iz tenderske dokumentacije

Ponuda ponuđača Herbavital d.o.o. Zenica odbačena je iz sljedećih razloga:

Tenderskom dokumentacijom, broj: 01-2.12-610/26 od 19.02.2026. godine, u tački 2.USLOVI ZA KVALIFIKACIJU I POTREBNI DOKAZI, u podtački 2.3. Ponuđač je dužan u svrhu dokazivanja tehničke i profesionalne sposobnosti (član 48. i 49. ZJN) dokazati da : , odnosno „Dokazi koje je dužan dostaviti ponuđač u svrhu dokazivanja tehničke i profesionalne sposobnosti su:“ u alinejama a) i c) glase:

“a) Važeće rješenje (potvrda) o upisu medicinskog sredstva u registar medicinskih sredstava izdato od Agencije za lijekove i medicinska sredstva BIH – fotokopija

Na dostavljenoj potvrdi ponuđači su dužni označiti medicinska sredstva koja nude, upisivanjem rednog broja stavke iz tabele 1 ove Tenderske dokumentacije pored medicinskog sredstva u potvrdi

c) Popunjena i potpisana Tabela 2. (za svaki LOT na koji se prijavljuje).

Ponuđač je dužan u sljedećoj tabeli (Tabela 2. za LOT 1) pored svakog artikla upisati broj rješenja/potvrde kojim je određeno medicinsko sredstvo upisano u registar medicinskih sredstava, te broj stranice ponude na kojoj se nalazi medicinsko sredstvo.“

U istoj tački tenderske dokumentacije, navedeno je i sljedeće:

„U slučaju da se u ponudi uopšte ne dostavi navedena dokumentacija iz podtački 2.1., 2.2. i 2.3. ove tenderske dokumentacije ili se ne dostavi na način kako je to traženo ponuđač će biti isključen iz daljeg učestvovanja u postupku javne nabavke zbog neispunjavanja uvjeta za kvalifikaciju.

Tenderskom dokumentacijom, broj: 01-2.12-610/26 od 19.02.2026. godine, u tački VI-OSTALI PODACI - 1.Zaključivanje okvirnog sporazuma, navedeno je slijedeće:

“Okvirni sporazum će se zaključiti na period od 12 mjeseci sa jednim ponuđačem za svaki LOT čija ponuda bude odabrana kao najpovoljnija u predmetnom postupku nabavke.

Sastavni dio ove tenderske dokumentacije je Nacrt okvirnog sporazuma, u koji su uneseni elementi iz tenderske dokumentacije. Ponuđači su dužni uz ponudu dostaviti Nacrt okvirnog sporazuma u koji su unijeli podatke iz svoje ponude, te iste potpisati, za svaki lot na koji se prijavljuju.“

Ponuđač HERBAVITAL D.O.O. ZENICA u svojoj ponudi, koju je predao 19.03.2026.godine godine i ista je zavedena pod rednim brojem protokola 01-2.14-1121/26, dostavio je važeća rješenja (potvrde) o upisu medicinskog sredstva u registar medicinskih sredstava izdato od Agencije za lijekove i medicinska sredstva BIH (stranice 16.- 22.ponude) i to kako slijedi :

-Potvrda o upisu medicinskog sredstva u registar medicinskih sredstava izdata od Agencije za lijekove i medicinska sredstva BIH , izdata na ime Tuzlafarm d.o.o. Tuzla, br.06-07.4-1-9876-2/23 od 22.07.2024. godine- fotokopija ,

-Potvrda o upisu medicinskog sredstva u registar medicinskih sredstava izdata od Agencije za lijekove i medicinska sredstva BIH , izdata na ime Wellmedic d.o.o. Gradiška, br.06-07.4-1-2011-7/22 od 06.05.2022. godine- fotokopija

- Potvrda o upisu medicinskog sredstva u registar medicinskih sredstava izdata od Agencije za lijekove i medicinska sredstva BIH , izdata na ime Wellmedic d.o.o. Gradiška, br.06-07.4-1-1005-3/24 od 20.05.2024. godine- fotokopija.

Uvidom u sve tri potvrde, utvrđeno je da ni na jednoj dostavljenoj potvrdi ponuđač nije označio medicinska sredstva koja nudi, odnosno nije upisao redni broj stavke iz tabele 1 Tenderske dokumentacije pored medicinskog sredstva u potvrdi, iz čega je jasno da ponuđač nije dostavio dokaze, odnosno dokumentaciju na način na koji je to traženo podtačkom 2.3. tenderske dokumentacije

Uvidom u dostavljenu Tabelu 2. za LOT 1 , koja se nalazi na 15. stranici ponude , utvrđeno je da ponuđač nije popunio kolonu 4., odnosno nije upisao „Broj stranice ponude na kojoj se nalazi medicinsko sredstvo“, iako je tenderskom dokumentacijom propisana ova obaveza ponuđača, iz čega je također jasno da ponuđač nije dostavio dokaz, odnosno dokumentaciju na način na koji je to traženo podtačkom 2.3. tenderske dokumentacije

Uvidom u dostavljeni popunjen i potpisan Nacrt okvirnog sporazuma (stranice 4.-7. ponude), utvrđeno je da ponuđač u članu 2. Nacrta Okvirnog sporazuma nije popunio tabelu sa cijenama iz ponude, niti je u članu 9. upisao u kojem obliku će dostaviti garanciju za dobro izvršenje posla, iako je tenderskom dokumentacijom (tačka VI- OSTALI PODACI) propisano da su ponuđači dužni uz ponudu dostaviti Nacrt okvirnog sporazuma u koji su unijeli podatke iz svoje ponude.

Jasno je, da je ponuđač, prilikom popunjavanja Nacrta okvirnog sporazuma imao podatke o cijeni robe koju nudi i podatke o obliku garancije za dobro izvršenje posla, te je iste, prema zahtjevima iz tenderske dokumentacije bio dužan unijeti u Nacrt okvirnog sporazuma, iz čega je također jasno da ponuđač nije dostavio dokaz, odnosno dokumentaciju na način na koji je to traženo tačkom VII tenderske dokumentacije- OSTALI PODACI.

Imajući u vidu izneseno, Komisija je utvrdila da ponuđač HERBAVITAL D.O.O. ZENICA, u ponudi nije dostavio sve tražene dokumente na način kako je propisano tenderskom dokumentacijom.

Usljed utvrđenog činjeničnog stanja, ponuda ponuđača HERBAVITAL D.O.O. ZENICA, odbačena je shodno članu 68. stav 1. i stav 4. tačka i) Zakona o javnim nabavkama jer je ponuđač dostavio nepotpune dokaze i ponuda nije potpuna i ne ispunjava zahtjeve iz tenderske dokumentacije.

U ovom postupku nabavke predviđeno je provođenje e-aukcije.

„E-Aukcija“ je elektronski proces provođenja dijela postupka javne nabavke, koji uključuje podnošenje novih cijena, izmijenjenih naniže, i/ili novih vrijednosti određenih elemenata ponude, a odvija se nakon početne ocjene ponuda i omogućava njihovo rangiranje pomoću automatskih metoda ocjenjivanja u sistemu "e-Nabavke".

Nakon pregleda i ocjene ponuda za nabavku potrošnog/pomoćnog sanitetskog materijala – LOT 1 – IGLE za JU «Dom zdravlja» Zavidovići za 12 mjeseci, utvrđeno je da su dvije ponude prihvatljive, usljed čega je ispunjen uslov za zakazivanje e-aukcije u sistemu e-Nabavke u skladu sa Pravilnikom o uslovima i načinu korištenja e-aukcije („Službeni glasnik BiH“, broj 80/23).

Ugovorni organ odlučio je da e-aukciju zakaže za 22.04.2026. godine sa početkom u 09,00 sati, te da će e-aukcija trajati 10 minuta.

Prvobitni rang ponuđača koji je utvrđen na osnovu cijena iz ponuda sa uračunatim popustom i na osnovu kojeg je i zakazana e-aukcija bio je sljedeći:

Ponuđač:	PRO-TEN MEDICAL	GLOBEX	Najniža vrijednost ponude
Ukupan iznos bez PDV	10.040,00	8.590,26	8.590,26
Rang	2	1	

Ugovorni organ iz sistema e-nabavke, preuzeo je izvještaj o toku i završetku e-aukcije 22.04.2026. godine u 10:43 sati, te je nakon okončane e-aukcije nastavio rad na ocjeni ponuda u ovom postupku 22.04.2026. godine sa početkom u 15,00 sati.

Iz izvještaja se može utvrditi da je e-aukcija trajala 22 minute, da su u toku e-aukcije podnošene nove ponude, te da je nakon okončane e-aukcije prvorangirani ponuđač GLOBEX D.O.O. ZENICA sa najnižom cijenom ponude u iznosu od 5.450,00 KM bez PDV-a, a drugi po rangju je ponuđač PRO-TEN MEDICAL D.O.O. GRAČANICA sa ukupnom cijenom ponude u iznosu od 5.499,00 KM.

Cijeneći pravilnost provedenog otvorenom postupku javne nabavke za nabavku potrošnog/pomoćnog sanitetskog materijala – LOT 1 – IGLE, za JU „Dom zdravlja“ Zavidovići za 12 mjeseci za JU „Dom zdravlja“ Zavidovići, te datu preporuku od strane Komisije za javne nabavke odlučeno je kao u dispozitivu ove Odluke.

PRAVNA POUKA: Protiv ove odluke može se izjaviti žalba u roku od 10 dana od dana prijema ove odluke.

Žalba se izjavljuje Uredu za razmatranje žalbi putem ugovornog organa u pisanoj formi direktno, elektronskim putem ili preporučenom poštanskom pošiljkom u tri primjerka, uz dokaz iz člana 105. stav (1) tačka i) Zakona o javnim nabavkama, o plaćenju naknade za pokretanje žalbenog postupka, u iznosu propisanom članom 108. Zakona o javnim nabavkama, na osnovu kojeg se može nesumnjivo utvrditi da je transakcija izvršena.

DOSTAVLJENO:

1. GLOBEX d.o.o. Zenica,
2. PRO-TEN MEDICAL d.o.o. Gračanica,
3. Herbavital d.o.o. Zenica,
4. a/a.

**PREDSJEDNIK
UPRAVNOG ODBORA:**
Mehić Elvir, dipl. pravnik

